

Design
mode...

দুপুরের খাবারের সাথে ঘুমের ওষুধ মিশিয়ে স্বামীকে খাওয়ান। ওষুধের প্রভাবে ঘুমিয়ে গেলে সিরিঞ্জের মাধ্যমে শিরায় এসিড পুশ করেন। আর তাতেই তার মৃত্যু হয়। পুলিশের প্রাথমিক জিজ্ঞাসাবাদে এভাবেই স্বামীকে হত্যার বর্ণনা দেন শেফালি বেগম। তিনি যশোর শহরের একটি বেসরকারি হাসপাতালে আয়া হিসেবে কাজ করেন। তার স্বামী নিহত জহির হাসান শহরের হুশতলা এলাকার একজন ওষুধ ব্যবসায়ী।

নিহতের স্বজনরা জানান, শেফালির সাথে শহরের শংকরপুর এলাকার রবিউল ইসলাম সরদার নামের এক যুবকের সাথে পরকীয়া সম্পর্ক রয়েছে। এ নিয়ে সোমবার শেফালির সাথে জহিরের কথা কাটাকাটি হয়। মঙ্গলবার মৃত্যু হয় জহিরের। পুলিশ শেফালি বেগমকে আটক করেছে। আর তার প্রেমিক রবিউল ইসলাম সরদারকে আটক করেছে র্যাব।

শেফালি বলেন, দুপুরের খাবারের সাথে ঘুমের ওষুধ খাওয়ানো হয়। এরপর জহির ঘুমিয়ে যান। মোবাইল ফোনের ব্যাটারির ভেতরের গুড়া-এসিড পানিতে ভিজিয়ে রেখে সেই পানি জহিরের বাম হাতের শিরায় পুশ করা হয়। শেফালির দেওয়া তথ্য অনুযায়ী মোবাইল ফোন, ব্যাটারি ও সিরিঞ্জ উদ্ধার করেছে পুলিশ।